

Na osnovu člana 16. stav 4. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona”, broj: 7/10 i 3/23), člana 46. stav (4) Zakona o izvršavanju Budžeta Zeničko-dobojskog kantona za 2024.godinu („Službene novine Zeničko-dobojskog kantona”, broj: 21/23, 4/24 i 12/24), na prijedlog Ministarstva zdravstva, Vlada Zeničko-dobojskog kantona, na 41. sjednici, održanoj 16.08.2024. godine, d o n o s i

ZAKLJUČAK

o usvajanju Izvještaja o utrošku sredstava po Programu utroška sredstava Ministarstva zdravstva na poziciji „Kapitalni transferi drugim nivoima vlasti-za zdravstvo“ Budžeta Zeničko-dobojskog kantona za 2024. godinu za period januar-juni 2024. godine

I.

Usvaja se Izvještaj o utrošku sredstava po Programu utroška sredstava Ministarstva zdravstva na poziciji „Kapitalni transferi drugim nivoima vlasti-za zdravstvo“ Budžeta Zeničko-dobojskog kantona za 2024. godinu za period januar-juni 2024. godine koji je sastavni dio ovog zaključka.

II.

Zaključak stupa na snagu danom donošenja.

Broj: 02-_____/24
Datum, 16.08.2024. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**IZVJEŠTAJ O UTROŠKU SREDSTAVA PO PROGRAMU UTROŠKA SREDSTAVA
MINISTARSTVA ZDRAVSTVA NA POZICIJI „KAPITALNI TRANSFERI DRUGIM
NIVOIMA VLASTI - ZA ZDRAVSTVO“ BUDŽETA ZENIČKO-DOBOJSKOG
KANTONA ZA 2024. GODINU
ZA PERIOD JANUAR-JUNI 2024. GODINE**

Zenica, juli 2024. godine

I Uvod

U skladu sa članom 33. stav (4) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), sredstva utvrđena u razdjelu 21 – Ministarstvo zdravstva, budžetska organizacija 01, potrošačka jedinica 0001, pozicija „Kapitalni transferi drugim nivoima vlasti - za zdravstvo“, koristit će se prema programu utroška, odnosno prema aktima koje donosi Vlada Kantona.

Članom 13. stav 2. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) propisano je da Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti.

Članom 13. stav 4. Zakona o zdravstvenoj zaštiti propisano je da Kanton osigurava sredstva za ostvarivanje društvene brige za zdravlje.

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23) na razdjelu 21 – Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo“, planirana su sredstva u iznosu 5.120.000,00 KM.

Vlada Zeničko-dobojskog kantona donijela je Odluku o usvajanju Programa utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“ Budžeta Zeničko-dobojskog kantona za 2024. godinu-Izvor 10, broj: 02-11-2656/24 od 09.02.2024. godine.

Programom utroška sredstava planirani su:

1. kapitalni transferi JU Kantonalna bolnica Zenica u iznosu 2.535.000,00 KM,
2. kapitalni transferi za finansiranje kapitalnih projekata u skladu sa: Sporazumom o zajedničkom finansiranju Projekta izgradnje objekta Službe hitne medicinske pomoći sa pratećim sadržajima u Zenici (Grad Zenica - JU Dom zdravlja Zenica), broj:11-11-7050-3/23 od 12.07.2023. godine u iznosu 2.000.000,00 KM i Sporazumom o zajedničkom finansiranju Projekta izgradnje objekta ambulante porodične medicine u Željeznom Polju, Općina Žepče (JU Dom zdravlja sa stacionarom Žepče) broj: 11-11-5223-3/23 od 12.07.2023. godine u iznosu 200.000,00 KM,
3. nabavka digitalnog mamografa sa tomosintezom za potrebe JU Dom zdravlja Visoko u iznosu 250.000,00 KM za realizaciju Programa skrininga raka dojke u Zeničko-dobojskom kantonu i
4. nabavka sanitetskog vozila za potrebe JU Dom zdravlja Breza u iznosu 135.000,00 KM.

Odlukom o uvećanju sredstava planiranih u Budžetu Zeničko-dobojskog kantona za 2024. godinu broj: 02-11-9080/24 od 10.05.2024. godine neutrošena sredstva iz donacija iz prethodne godine uvrštena su u Budžet Zeničko-dobojskog kantona za 2024. godinu u iznosu od 41.683,74 KM na poziciju 615100-„Kapitalni transferi drugim nivoima vlasti-za zdravstvo“. Navedena sredstva su u skladu sa Programom skrininga raka dojke u Zeničko-dobojskom kantonu namijenjena za nabavku medicinskog aparata tomosinteza, za koje je italijanski partner donirao sredstva u 2023. godini.

II Realizacija Programa utroška sredstava na poziciji „Kapitalni transferi drugim nivoima vlasti- za zdravstvo u periodu januar-juni 2024. godine“

Ukupni rashodi po osnovu kapitalnih transfera za zdravstvo u periodu januar-juni 2024. godine iznose **411.000,00 KM**, što predstavlja samo 16,0% linearno planiranih sredstava za ove namjene:

| Red. Br. | Svrha odobranja | Planirana sredstva januar-juni 2024. godine | Izvršenje januar-juni 2024. godine | Index |
|----------|--|---|------------------------------------|------------|
| 1. | Kapitalni transferi JU Kantonalna bolnica Zenica | 1.267.500,00 | - | - |
| | - medicinska oprema | 1.132.500,00 | - | - |
| | - građevinski radovi | 135.000,00 | - | - |
| 2. | Ranije preuzete obaveze o finansiranju investicija u skladu sa zaključenim sporazumima o zajedničkom finansiranju | 1.100.000,00 | - | - |
| | - sufinansiranje druge faze Projekta izgradnje objekta Službe hitne medicinske pomoći sa pratećim sadržajima u Zenici | 1.000.000,00 | - | - |
| | - sufinansiranje druge faze izgradnje objekta ambulante porodične medicine u Željeznom Polju, Općina Žepče | 100.000,00 | - | - |
| 3. | Razvoj Programa skrininga raka dojke u Zeničko-dobojskom kantonu | 125.000,00 | 276.000,00 | 220 |
| 4. | nabavka sanitetsog vozila za potrebe JU Dom zdravlja Breza | 67.500,00 | 135.000,00 | 200 |
| | UKUPNO | 2.566.000,00 | 411.000,00 | 16 |

Na nizak procenat utroška sredstava u periodu januar-juni 2024. godine uticalo je to što u prvom polugodištu ove godine nisu donesene odluke o odobranju sredstava za JU Kantonalna bolnica Zenica, kao ni odluke o odobranju sredstava po ranije zaključenim sporazumima o zajedničkom finansiranju projekata. U drugom polugodištu ove godine očekuje se realizacija sredstava planiranih za ove namjene.

1. JU Kantonalna bolnica Zenica će nakon okončanih postupaka javnih nabavki za medicinsku opremu (CT aparat, litotriktor, endoskopska oprema) dostaviti zahtjeve za odobranje sredstava, nakon čega će biti donesene odluke o odobranju sredstava. Zbog problema u vlasništvu nad zemljištem i objektima u krugu JU Kantonalna bolnica Zenica nisu provedeni postupci javnih nabavki za građevinske radove, a JU Kantonalna bolnica Zenica je u postupku donošenja izmjena programa utroška sredstava u tom dijelu.

2. Planirana sredstva u iznosu 2.000.000,00 KM za sufinansiranje druge faze Projekta izgradnje objekta Službe hitne medicinske pomoći sa pratećim sadržajima u Zenici u skladu sa Sporazumom o zajedničkom finansiranju Projekta izgradnje objekta Službe hitne medicinske pomoći sa pratećim sadržajima u Zenici broj: 11-11-7050-3/23 od 12.07.2023. godine bit će realizovana u drugom polugodištu 2024. godine.
Odlukom o odobravanju sredstava broj: 02-11-12316/23 od 03.08.2023. godine odobrena su sredstva u iznosu 1.500.000,00 KM Gradu Zenica za finansiranje Projekta izgradnje objekta Službe hitne medicinske pomoći sa pratećim sadržajima u Zenici.
Grad Zenica je u skladu sa članom 4. Odluke dužan izvjestiti Ministarstvo zdravstva o namjenskom utrošku sredstava, nakon čega će se donijeti odluka o odobravanju sredstava za sufinansiranje druge faze projekta.
3. Planirana sredstva u iznosu 200.000,00 KM za realizaciju Sporazuma o zajedničkom finansiranju Projekta izgradnje objekta ambulante porodične medicine u Željeznom Polju, Općina Žepče, broj: 11-11-5223-3/23 od 12.07.2023. godine, bit će realizovana u drugom polugodištu 2024. godine.
JU „Dom zdravlja sa stacionarom“ Žepče je dopisom broj: 02-04-3-16-441/24 od 18.06.2024. godine Ministarstvu zdravstva dostavila dokaze o namjenskom utrošku odobrenih sredstava u skladu sa članom 4. Odluke o odobravanju sredstava broj: 02-11-12315/23 od 03.08.2023. godine (za prvu fazu realizacije projekta).
Vlada Zeničko-dobojskog kantona donijela je Odluku o odobravanju sredstava JU „Dom zdravlja sa stacionarom“ Žepče za sufinansiranje druge faze izgradnje objekta ambulante porodične medicine u Željeznom Polju, Općina Žepče broj: 02-11-12709/24 od 12.07.2024. godine kojom su odobrena sredstva u iznosu od 200.000,00 KM.
4. Programom utroška sredstava planirana su sredstva za nabavku digitalnog mamografa za potrebe JU „Dom zdravlja Visoko“ u iznosu 250.000,00 KM iz budžetskih sredstava, a u cilju razvoja Programa skrininga raka dojke u Zeničko-dobojskom kantonu.

U toku realizacije Projekta „Od spoznaje do liječenja: Žene glavni nosioci prava na zdravlje u BiH”, koji je sufinansirala italijanska Agencija za kooperaciju i razvoj (AICS), a realizovan je u partnerstvu sa RE.TE.- Udruženje tehničara za solidarnost i međunarodnu saradnju, Ministarstvom zdravstva Zeničko-dobojskog kantona, Zavodom zdravstvenog osiguranja Zeničko-dobojskog kantona, JU Institut za zdravlje i sigurnost hrane Zenica i JU Kantonalna bolnica Zenica, italijanski partner je donirao sredstva u iznosu od 66.750,74 KM za nabavku medicinskog aparata tomosinteza (uplata donacije je izvršena 29.06.2023. godine).

Imajući u vidu da je italijanski partner donirao sredstva za nabavku tomosinteze, nakon donošenja Odluke o uvećanju sredstava planiranih u Budžetu Zeničko-dobojskog kantona za 2024. godinu broj: 02-11-9080/24 od 10.05.2024. godine, Vlada Kantona donijela je Odluku o odobravanju sredstava JU „Dom zdravlja Visoko“ za finansiranje nabavke digitalnog mamografa sa tomosintezom broj: 02-11-11032/24 od 11.06.2024. godine u iznosu 276.000,00 KM, od čega se iznos od 250.000,00 KM finansira iz budžetskih sredstava, a 26.000,00 KM iz doniranih sredstava.

„Dom zdravlja Visoko“ u skladu sa navedenom Odlukom će provesti postupak javne nabavke i izvjestiti Ministarstvo zdravstva o namjenskom utrošku sredstava dostavljanjem ugovora o nabavci, fakture dobavljača sukladno zaključenom ugovoru o nabavci i dokaza o uplati sredstava dobavljaču.
Sredstva su transferisana 17.07.2024. godine.

5. Vlada Zeničko-dobojskog kantona, na prijedlog Ministarstva zdravstva donijela Odluku o odobravanju sredstava JU „Dom zdravlja Breza“ za sufinansiranje nabavke sanitetskog vozila broj: 02-11-5258/24 od 15.03.2024. godine u iznosu 135.000,00 KM.

JU „Dom zdravlja Breza“ zaključila je Ugovor o nabavci specijalnog sanitetskog vozila sa dobavljačem M.R.M export-import d.o.o. Ljubuški broj: JN-08/2024 od 24.01.2024. godine.

Dopisom broj: 01-331/2024 od 27.03.2024. godine JU „Dom zdravlja Breza“ dostavila je Ministarstvu zdravstva fakturu broj: 009-30-NFZ/24 od 27.03.2024. godine i dokaz o uplati sredstava dobavljaču u skladu sa članom 4. stav (2) Odluke o odobravanju sredstava.

Sredstva odobrena odlukom transferisana su 03.04.2024. godine.

MINISTRICA

dr Aida Salčinović